





白氏文集卷第二十五

律詩九一首

感悟妄緣題如上人壁

自從為駃童直至作衰翁所好隨年異為忙終日同  
弄沙成佛塔鏘玉謁玉官彼此皆兒戲須臾即色空  
有營非了義無著是真宗兼恐勤修道猶應在妄中


思子臺有感二首九題思子臺者皆罪江充

二絕辨之

曾家機上聞投杼尹氏園中見掇蜂但以恩情生隙  
罅何人不解作江充

二

聞生魑魅蠹生蟲何異讒生疑阻中但使武皇心侶





燭江充不敢作江充

賦得邊城角

邊角兩三枝霜天隴上兒望鄉相並立向月一時吹  
戰馬頭皆舉征人手盡坐嗚嗚三奏罷城上展旌旗

憶洛中所居

忽憶東都宅春來事宛然雪銷行徑裏水上卧房前  
狀綠栽黃竹嫌紅種白蓮醉教鶯送酒閒遣鶴看船  
幸是林園主慙爲食糶牽宦情薄侶紙鄉思急如弦  
豈合姑蘇守歸休更待年

想歸田園

戀他朝市求何事想取丘園樂此身千首惡詩吟過  
日一壺好酒醉消春歸鄉年亦非全老罷郡家仍未

苦貧快活不知如我者人間能有幾多人

琴茶

兀兀寄形羣動內陶陶任性一生間自拋官後春多  
醉不讀書來老更閒琴裏知聞唯淥水茶中故舊是  
蒙山窮通行止長相伴誰道吾今無往還

贈楚州郭使君

淮水東南第一州山圍雉堞月當樓黃金印綬懸腰  
底白雪歌詩落筆頭笑看見童騎竹馬醉攜賓客上  
仙舟當家美事堆身上何啻林宗與細侯

和郭使君題枸杞

山陽太守政嚴明吏靜人安無犬驚不知靈藥根成  
狗怪得時聞吠夜聲



初到洛陽閒遊

漢庭重少身宜選。洛下閒居迹可逃。趁伴入朝應老  
醜。尋春放醉尚粗豪。詩攜綵紙新裝卷。酒典緋花舊  
賜袍。曾在東方千騎上。至今躑躅馬頭高。

醉贈劉二十八使君

爲我引杯添酒飲。與君把箸擊盤歌。詩稱國手徒爲  
爾。命壓人頭不奈何。舉眼風光長寂寞。滿朝官職獨  
蹉跎。亦知合被才名折。二十三年折太多。

太湖石

烟翠三秋色。波濤萬古痕。削成青玉片。截斷碧雲根。  
風氣通岩穴。苔文護洞門。三峯俱體小。應是華山孫。  
過敷水

坐鞭欲渡羅敷水。處分鳴騶且緩驅。秦氏雙蛾久已  
冥。蘇臺五馬尚踟躕。村童店女仰頭笑。今日使君真  
是愚。

南院

林院無情緒。經春不一開。楊花飛作穗。榆莢落成堆。  
壯氣從中減。流年逐後催。只應如過客。病去老迎來。

○閒詠

步月憐清景。眠松愛綠陰。早年詩思苦。晚歲道情深。  
夜學禪多坐。秋牽興慙吟。悠然兩事外。無處更留心。

初授秘監拜賜金紫閒吟小酌偶寫所懷

紫袍新秘監。白首舊書生。鬢雪人間壽。腰金世上榮。  
子孫無可念。產業不能營。酒引眼前興。詩畱身後名。



閒傾三數酌。醉詠十餘聲。便是羲皇代。先從心太平。  
新昌閒居招楊郎中兄弟

紗巾角枕病眠翁。忙少閒多誰與同。但有雙松當砌  
下更無一事到心中。金章紫綬看如夢。皂蓋朱輪別  
侶空。暑月貧家何所有。客來唯贈北窗風。

秘省後廳

槐花雨潤新秋地。桐葉風翻欲夜天。盡日後廳無一  
事。白頭老監枕書眠。

松齋偶興

置心思慮外。減跡是非間。約俸爲生計。隨官換往還。  
耳煩聞曉角。眼醒見秋山。賴此松簷下。朝回半日閒。  
和楊郎中賀楊僕射致仕後楊侍郎門生合

宴席上作

業重關西繼大名。恩深闕下遂高情。祥鱣降伴趨庭  
鯉。賀鷲飛和出谷鶯。范蠡舟中無子弟。踈家席上欠  
門生。可憐玉樹連桃李。從古無如此會榮。

松下琴贈客

松寂風初定。琴清夜欲闌。偶因羣動息。試撥一聲看。  
寡鶴當徽怨。秋泉應指寒。慙君此傾聽。本不爲君彈。

秋齋

晨起秋齋冷。蕭條稱病容。清風兩牕竹。白露一庭松。  
阮籍謀身拙。嵇康向事慵。生涯別有處。浩氣在心胸。

塗山寺獨遊

野徑行無伴。僧房宿有期。塗山來去熟。唯是馬蹄知。



登觀音臺望城

百千家似圍棋局十二街如種菜畦遙認微微入朝  
火一條星宿五門西

登靈應臺北望

臨高始見人寰小對遠方知色界空回首却歸朝市  
去一稊米落太倉中

酬裴相公題興化小池見招長句

爲愛小塘招散客不嫌老監與新詩山翁倒載無妨  
學范蠡扁舟未要追蓬斷偶飄桃李徑鷗鷺誤拂鳳  
凰池敢辭課拙酬高韻一勺爭禁萬頃陂

閒行

五十年來思慮熟忙人應未勝閒人林園微逸真成  
貴衣食單疎不是貧專掌圖書無過地遍尋山水自  
由身儻年七十猶強健尚得閒行十五春

閒出

兀兀出門何處去新昌街晚樹陰斜馬蹄知意緣行  
熟不向楊家卽庾家

與僧智如夜話

懶鈍尤知命幽棲漸得朋門閒無謁客室靜有禪僧  
爐向初冬火籠停半夜燈憂勞緣智巧自喜百無能  
憶廬山舊隱及洛下新居

形骸僂俛班行內骨肉勾留俸祿中無奈攀緣隨手  
長亦知恩愛到頭空草堂久閉廬山下竹院新拋洛  
水東自是未能歸去得世間誰要白鬢翁



○晚寒

急景流如箭，淒風利似刀。暝催雞翅斂，寒束樹枝高。  
縮水濃和酒，加絛厚絮袍。可憐冬計畢，煖臥醉陶陶。

偶眠

放杯書案上，枕臂火爐前。老愛尋思事，慵多取次眠。  
妻教卸烏帽，婢與展青氈。便是屏風樣，何勞畫古賢。

華城西北雉堞最高，崔相公首創樓臺。錢左丞繼種花果，合爲勝境。題在雅篇，歲暮獨

悵然成詠

時華州未除刺史

高居稱君子，瀟洒四無隣。丞相棟梁久，使君桃李新。  
凝情看麗句，駐步想清塵。况是寒天客，樓空無主人。

奉使塗中戲贈張常侍

早風吹土滿，長衢驛騎星。輶盡疾馳共，笑籃舁亦輕。  
使日馳一驛，向東都。

有小白馬乘馭多時，奉使東行至稠桑驛。溘然而斃，足可驚傷，不能忘情。題二十韻。

能驟復能馳，翩翩白馬兒。毛寒一團雪，鬃薄萬條絲。  
皂蓋春行日，驪駒曉促時。雙旌前獨步，五馬內偏騎。  
芳草承蹄葉，垂楊拂頂枝。跨將迎好客，惜不換妖姬。  
慢鞚遊蕭寺，閒駢醉習池。睡來乘作夢，興發倚成詩。  
鞭爲馴難下，鞍緣穩不離。北歸還共到，東使亦相隨。  
赭白何曾變，玄黃豈得知。嘶風覺聲急，躡雪怪行遲。  
昨夜猶芻秣，今朝尚縶維。卧槽應不起，顧主遂長辭。  
塵滅駸駸迹，霜留皎皎姿。度關形未改，過隙影難追。



念倍燕求駿情深項別離銀收鈎臆帶金卸絡頭羈  
何處埋竒骨誰家覓弊帷稠桑驛門外吟罷涕雙坐

題噴玉泉

泉在壽安山下高  
百餘尺直瀉潭中

泉噴聲如玉潭澄色侶空練坐青嶂上珠寫綠盆中  
溜滴三秋雨寒生六月風何時此岩下來作濯纓翁

酬皇甫賓客

閒官兼慢使著處易停輪况欲逢新歲仍初見故人  
冒寒尋到洛待暖始歸秦亦擬同攜手城東略看春

種白蓮

吳中白藕洛中栽莫戀江南花懶開萬里攜歸爾知  
否紅蕉朱槿不將來

荅蘇庶子

偶作關東使重陪洛下遊病來從斷酒老去可禁愁  
欵曲偏青眼蹉跎各白頭蓬山開氣味依約侶龍樓  
荅尉遲少監水閣重宴

人情依舊歲華新今日重招往日賓雞黍重回千里  
駕林園暗換四年春水軒平寫琉璃鏡草岼斜鋪翡翠  
茵茵聞道經營費心力忍教成後屬他人

時主人欲  
賣林亭

和劉郎中傷鄂姬

不獨君嗟我亦嗟西風北雪殺南花不知月夜魂歸  
處鸚鵡洲頭第幾家

姬鄂  
人也

贈東隣王十三

攜手池邊月開襟竹下風駘愁知酒力破睡見茶功  
居處東西接年顏老少同能來爲伴否伊上作漁翁



早春同劉郎中寄宣武令狐相公

梁園不到一年強，遙想清吟對綠觴。更有何人能飲  
酌，新添幾卷好篇章。馬頭拂柳時回轡，豹尾穿花暫  
亞槍。誰引相公開口笑，不逢白監與劉郎。

寄太原李相公

聞道北都今一變，政和軍樂萬人安。綺羅二八圍賓  
榻，組練三千夾將壇。蟬髮應誇丞相少，貂裘不覺太  
原寒。世間大有盧榮貴，百歲無君一日歡。

雪中寄令狐相公兼呈夢得

兔園春雪梁王會，想對金壘詠玉塵。今日相如身在  
此，不知客又坐何人。

出使在途所騎馬死改乘肩輿將歸長安偶

詠旅懷寄太原李相公

驛路崎嶇况雪寒，欲登籃輿一長嘆。風光不見桃花  
騎，塵土空留杏葉鞍。喪乘獨歸殊不易，脫驂相贈豈  
爲難。并州好馬應無數，不怕旌旄試覓看。

有雙鶴留在洛中忽見劉郎中依然鳴顧劉

因爲鶴嘆二篇寄予予以二絕句荅之

辭鄉遠隔華亭水，逐我來棲緱嶺雲。慙愧稻梁長不  
飽，未曾迴眼向雞羣。

荒草院中池水畔，銜恩不去又經春。見君驚喜雙回  
顧，應爲吟聲似主人。

宿竇使君莊水亭

使君何在在江東，池柳初黃杏欲紅。有興卽來閒便



宿不知誰是主人翁

龍門下作

龍門澗下濯塵纓擬作閒人過此生筋力不將諸處用登山臨水詠詩行

姚侍御見過戲贈

晚起春寒慵裹頭客來池上偶同遊東臺御史多提舉莫按金章繫布裘

履道春居

微雨洒園林新晴好一尋低風洗池面斜日拆花心暝助嵐陰重春添水色深不如陶省事猶抱有絃琴

題洛中第宅

水木誰家宅門高占地寬懸魚挂青甃行馬護朱欄

春榭籠烟煖秋庭鏤月寒松膠粘琥珀筠粉撲琅玕試問池臺主多為將相官終身不會到唯展宅圖看

寄殷協律

多叙江南舊遊

五歲優游同過日一朝消散侶浮雲琴詩酒伴皆拋我雪月花時最憶君幾度聽雞歌白日亦曾騎馬詠

紅裙

予在杭州日有歌云聽唱黃雞與吳姬暮雨蕭

蕭曲自別江南更不聞

江南吳二娘曲詞云暮雨蕭蕭郎不歸

洛下諸客就宅相送偶題西亭

几榻臨池坐軒車冒雪過交親致杯酒僮僕解笙歌流歲行將晚浮榮得幾多林泉應問我不住意如何

荅林泉

好住舊林泉回頭一悵然漸知吾潦倒深愧爾畱連



欲作棲雲計須營種黍錢更容求一郡不得亦歸田  
將發洛中枉令狐相公手札兼辱二篇寵行  
以長句荅之

尺素忽驚來梓澤雙金不惜送蓬山八行落泊飛雲  
雨五字鎗鏃動珮環玉韻乍聽堪醒酒銀鈎細讀當  
披顏收藏便作終身寶何啻三年懷袖間

臨都驛荅夢得六言二首

楊子津頭月下臨都驛裏燈前昨日老於前日去年  
春侶今年

二

謝守歸爲秘監馮公老作郎官前事不須問著新詩  
且更吟看

喜錢左丞再除華州以詩伸賀

左轄輟中臺門東委上才彤檐經宿到絳帳及春開  
民望懇難奪天心慈易回那知不隔歲重借冠恂來  
和錢華州題少華清光絕句

高情稚韻三峰守主領清光管白雲自笑亦曾爲刺  
史蘇州肥膩不如君

送陝府王大夫

金馬門前回劍珮鐵牛城下旌旗他時萬一爲交  
代留取甘棠三兩枝

代迎春花招劉郎中

幸與松筠相近我不隨桃李一時開杏園豈敢妨君  
去未有花時且看來



詠迎春花贈楊郎中

金英翠萼帶春寒，黃色花中有幾般。憑君語向遊人道，莫作蔓菁花眼看。

閒出

身外無羈束，心中少是非。被花留便住，逢酒醉方歸。人事行時少，官曹入日稀。春寒遊正好，穩馬簿綿衣。

座中贈盧判官

把酒承花花落頻，花香酒味相和春。莫言不是江南會，虛白亭中舊主人。

曲江有感

曲江西岼又春風，萬樹花前一老翁。遇酒逢花還且醉，若論惆悵事何窮。

杏園花下贈劉郎中

怪君把酒偏惆悵，曾是貞元花下人。自別花來多少事，東風二十四回春。

花前有感兼呈崔相公劉郎中

落花如雪髮如霜，醉把花看益自傷。少日為名多檢束，長年無興可顛狂。四時輪轉春常少，百刻支分夜

苦長何事同生壬子歲，老於崔相及劉郎。余與崔劉年同獨早

白

微之就拜尚書，居易續除刑部，因書賀意兼

詠離懷

我為憲部入南宮，君作尚書鎮浙東。老去一時成白首，別來七度換春風。簪纓假合虛名在，筋力銷磨實



事空遠地官高親故少些些談笑與誰同

喜與韋左丞同入南省因叙舊以贈之

早年同遇陶鈞主利鈍精粗共在鎔憲同朝與韋翰林金

劍淬來長透匣鉞刀磨盡不成鋒老肩北省慙非據

接武南宮幸再容跛鼈雖遲騏驥疾何妨中路亦相

逢

伊州

老去將何散老愁新教小玉唱伊州亦應不得多年

聽未教成時已白頭

早朝

鼓動出新昌雞鳴赴建章翩翩穩鞍馬楚楚健衣裳

傳殘夜城陰送早涼月堤槐露氣風燭桦烟香

雙闕龍相對千官鴈一行漢庭方尚少慙嘆髮如霜

荅裴相公乞鶴

警露聲音好冲天相貌殊終宜向遼廓不稱在泥塗

白首勞為伴朱門幸見呼不知踈野性解愛鳳池無

晚從省歸

朝回北闕值清晨晚出南宮送暮春入去丞郎非散

秩歸來詩酒是閒人猶思泉石多成夢尚嘆簪裾未

離身終是不如山下去心頭眼底兩無塵

北窓間坐

虛窓兩叢竹靜室一爐香門外紅塵合城中白日忙

無煩尋道士不要學仙方自有延年術心閒歲月長

酬嚴給事

聞玉蕊花下有遊仙絕句



羸女偷乘鳳去時洞中潛歇弄瓊枝不緣啼鳥春饒  
舌青瑣仙郎可得知

京路

西來爲看秦山雪東去綠尋洛苑春來去騰騰兩京  
路間行除我更無人

華州西

每逢人靜情多歇不計程行困卽眠上得籃輦未能  
去春風敷水店門前

從陝至東京

從陝至東京山低路漸平風光四百里車馬十三程  
花共坐鞭看杯多並轡傾笙歌與談笑隨分自將行

送春

銀花鑿落從君勸金屑琵琶爲我彈不獨送春兼送  
老更嘗一酌更聽看

宿杜曲花下

覓得花千樹携來酒一壺懶歸兼擬宿未醉豈勞扶  
但惜春將晚寧愁日漸晡籃輦爲卧舍漆盞是行廚  
斑竹盛茶櫃紅泥罨鉢爐眼前無所闕身外更何須  
小面琵琶婢蒼頭扇葉奴從君飽富貴曾作此遊無

逢舊

久別偶相逢俱疑侶夢中卽今歡樂事放盞又成空

繡婦嘆

連枝花樣繡羅襦本擬新年餉小姑自覺逢春饒悵  
望誰能每日趁工夫針頭不解愁眉結線縷難穿淚



臉珠雖凭繡牀都不繡同牀繡伴得知無

春詞

低花對映小粧樓春入眉心兩點愁斜倚欄干背鸚鵡思量何事不回頭

恨詞

翠黛眉低歛紅珠淚暗銷曾來恨人意不省侶今朝  
山石榴花十二韻

擘擘復煌煌花中無比方艷天宜小院條短稱低廊  
本是山頭物今爲砌下芳千叢相向背萬朵互低昂  
照灼連朱檻玲瓏映粉墻風來添意態日出助晶光  
漸綻臙脂萼猶含琴軫房離披亂剪綵斑駁未勻粧  
綵幘燈千炷紅裙妓一行此時逢國色何處覓天香

恐合栽金闕思將獻玉皇好差青鳥使封作百花王

送敏中歸幽寧幕

六十衰翁兒女悲傍人應笑爾應知弟兄垂老相逢  
日杯酒臨歡欲散時前路加食須努力今宵盡醉莫  
推辭司徒知我難爲別直過秋歸未訝遲

宴散

小宴追涼散平橋步月回笙歌歸院落燈火下樓臺  
殘暑蟬催盡新秋鴈帶來將何迎睡興臨臥舉殘杯

人定

人定月朧明香消枕簟清翠屏遮燭影紅袖下簾聲  
坐久吟方罷眠初夢未成誰家教鸚鵡故語相驚

池上



嫋嫋涼風動淒淒寒露零蘭衰花始白荷破葉猶青  
獨立棲沙鶴雙飛照水螢若爲寥落境仍值酒初醒

池客

池晚蓮芳謝  
秋竹意深更無人作伴  
唯對一張琴  
花酒

香醅淺酌浮如蟻  
雲鬢新梳薄似蟬  
爲報洛城花酒道  
莫辭送老二三年

題崔常侍濟源庄

谷口誰家住雲扃  
鑠竹泉主人何處去  
蘿薜換貂蟬  
籍在金閨內班排玉  
展前誠知憶山水  
歸得是何年  
認春戲呈馮少尹李郎中陳主簿

認得春風先到處  
西園南面水東頭  
柳初變後條猶  
重花未開前枝已  
稠暗助醉歡尋綠酒  
潛添睡興著  
紅樓知君未別陽和  
意直待春深始擬遊

魏堤有懷

魏王堤下水聲似使君  
灘惆悵回頭聽躑躅  
立馬看蕩風波眼急翻  
雪浪心寒憶得瞿塘事  
重吟行路難

柘枝詞

柳暗長廊合花深小院  
開蒼頭鋪錦褥皓腕捧  
銀杯繡帽珠稠綴香衫  
袖窄裁將軍拄球杖看  
按柘枝來  
代夢得吟

後來變化三分貴同輩  
凋零太半無世上爭先  
從盡汝人間聞在不如  
吾竿頭已到應難久局  
勢雖遲未必輸不見山  
苗與林葉迎春先綠亦  
先枯



寄荅周協律

來詩多叙蘇州舊遊

故人叙舊寄新篇  
惆悵江南到眼前  
暗想樓臺萬餘里  
不聞歌吹一周年  
橋頭誰更看  
新月池畔猶應泊  
舊船最憶後亭杯  
酒散紅屏風掩綠窓眠

白氏文集卷第二十五

白氏文集卷第二十六

律詩

五言七言凡一百首

大和戊申歲大有年  
詔賜百寮出城觀稼  
謹書盛事以俟采詩

清晨承詔命  
豐歲閱田間  
膏雨抽苗足  
涼風吐穗初  
早禾黃錯落  
晚稻綠扶疎  
好入詩家詠  
宜令史館書  
散為萬姓食  
堆作九年儲  
莫道如雲稼  
今秋雲不如

贈悼懷太子挽歌辭二首

奉詔撰進

竹馬書薨歲  
銅龍表葬時  
永言窳窳事  
全用少陽儀  
壽夭由天命  
哀榮出聖慈  
恭聞褒贈詔  
軫念在與夷

二

剪葉藩封早承華  
冊命尊筮歌辭洛苑  
風雪蔽梁園



鹵簿凌霜宿銘旌向月翻  
官寮不逮事哭送出都門  
雨中招張司業宿

過夏衣香潤迎秋簟色鮮  
斜支花石枕臥詠蒞珠篇  
泥濘非遊日陰沉好睡天  
能來同宿否聽雨對牀眠  
和集賢劉學士早朝作

吟君昨日早朝詩金御爐前  
喚仗時烟吐白龍頭宛  
轉扇開青雉尾參差暫留  
春殿多稱屈合入綸闈卽  
可知從此摩霄去非晚鬢  
間未有一莖絲

送陝州王司馬建赴任

建善詩者

陝西司馬去何如養靜資  
貧兩有餘公事間忙同少  
尹料錢多少敵尚書  
祗攜美酒爲行伴唯作新詩  
赴下車自有鐵牛無詠者  
料君投刃必應虛

對琴待月

竹院新晴夜松牕未卧時  
共琴爲老伴與月有秋期  
玉軫臨風久金波出霧遲  
幽音待清景唯是我心知

楊家南亭

小亭門向月斜開滿地涼  
風滿地苔此院好彈秋思  
處終須一夜抱琴來

早寒

黃葉聚墻角青苔圍柱根  
被經霜後薄鏡遇雨來昏  
半卷寒簷幕斜開暖閣門  
迎冬兼送老只仰酒盈樽

齋月靜居

病來心靜一無思老去身閒  
百不爲忽忽眼塵猶愛  
睡些些口業尚誇詩  
葷腥每斷齋居月香火常親宴



坐時萬慮消停百神恭唯應寂寞殺三尸

宿裴相公興化池亭

兼蒙借船  
助遊汎

林亭一出宿風塵忘却平津是要津松閣暗看山色  
近石渠秋放水聲新孫弘閣開無閒客傳說舟忙不  
借人何似掄才濟川外別開池館待交親

和劉郎中望終南山秋雪

遍覽古今集都無秋雪詩陽春先唱後陰嶺未消時  
草訝霜凝重松疑鶴散遲清光莫獨占亦對白雲司

廣府胡尚書頻寄詩因荅絕句

尚書清白臨南海雖飲貪泉心不回唯向詩中得珠  
玉時時寄到帝鄉來

送鶴與裴相臨別贈詩

司空愛爾爾須知不信聽吟送鶴詩羽翮勢高寧惜  
別稻梁恩厚莫愁飢夜棲少共雞爭樹曉浴先饒鳳  
占池穩上青雲勿回顧的應勝在白家時

令狐相公拜尚書後有喜從鎮歸朝之作劉  
郎中先和因以繼之

車騎從新梁苑回履聲珮響入中臺鳳池望在終重  
去龍節功成且納來金勒最宜乘雪出玉觴何必待  
花開尚書首唱郎中和不計官資只計才

送河南尹馮學士赴任

石渠金谷中間路軒騎翩翩十日程清洛飲冰添苦  
節碧嵩看雪助高情謾誇河北操旄鉞莫羨江西擁  
旆旌時新除二何侶府寮京令外別教三十六峯迎



讀鄂公傳

高卧深居不見人功名抖擻似灰塵唯留一部清商  
樂月下風前伴老身

賦得烏夜啼

城上歸時晚庭前宿處危月明無葉樹霜滑有風枝  
啼澁飢喉咽飛低凍翅垂盡堂鸚鵡鳥冷煖不相知

鏡換杯

欲將珠匣青銅鏡換取金樽白玉卮鏡裡老來無避  
處樽前愁至有消時茶能散悶為功淺萱縱忘憂得  
力遲不是杜康神用速十分一盞便開眉

冬夜聞蟲

蟲聲冬思苦於秋不解愁人聞亦愁我是老翁聽不

畏少年莫聽白君頭

雙鸚鵡

綠衣整頓雙棲起紅嘴分明對語時始覺琵琶絃莽

鹵方知吉了舌參差鄭牛識字五常嘆諺云鄭玄家牛觸墻成八

字丁鶴能歌爾亦知若稱白家鸚鵡鳥籠中兼合解

吟詩

贈朱道士

儀容白皙上仙郎方寸清虛內道場兩翼化生因服  
藥三尸餓死為休糧醮壇北向宵占斗寢室東開早  
納陽盡日窓間更無事唯燒一炷降真香

昨以拙詩十首寄西川杜相公相公亦以新  
作十首惠然報示首數雖等工拙不倫重



以一章用伸答謝

詩家律手在成都權與尋常將相殊剪截五言兼用  
錢陶鈞六義別開爐驚人卷軸須知有隨事文章不  
道無篇數雖同光價異十魚目換十驪珠

和令狐相公新於郡內栽竹百竿拆壁開軒  
旦夕對翫偶題七言五韻

梁園修竹舊傳名久廢年深竹不生千畝荒涼尋未  
得百竿青翠種新成墻開乍見重添興  
翫靜時聞別有情烟葉蒙籠侵夜色風枝蕭颯欲秋聲更登樓望  
尤堪重千萬人家無一莖并無竹

重荅汝州李六使君見和憶吳中舊遊五首  
為憶娃宮與虎丘翫君新作不能休蜀牋寫出篇篇

好吳調吟詩句句愁洛下林園終共住江南風月會

重遊先與李六有由來事過多堪惜何況蘇州勝汝

州李前蘇州故有是句

見殷堯潘侍御憶江南詩三十首詩中多叙

蘇杭勝事余嘗典二郡因繼和之

江南名郡數蘇杭寫在殷家三十章君是旅人猶苦  
憶我為刺史更難忘境牽吟詠真詩國興入笙歌好  
醉鄉為念舊遊終一去扁舟直擬到滄浪

聞新蟬贈劉二十八

蟬發一聲時槐花帶兩枝只應催我老兼遣報君知  
白髮生頭速青雲入手遲無過一杯酒相勸數開眉

贈王山人



玉芝觀裡王居士服氣食霞善養身夜後不聞龜喘  
息秋來唯長鶴精神容顏盡怪長如故名姓多疑不  
是真貴重榮華輕壽命知君悶見世間人

和劉郎中學士題集賢閣

朱閣青山高庠齊與君才子作詩題傍聞大內笙歌  
近下視諸司屋舍低萬卷圖書天祿上一條風景月  
華西欲知丞相優賢百步新廊不蹋泥

觀幼

有起皆因滅無睽不暫同從歡終作感轉苦又成空  
次第花生眼須臾竹過風更無尋覓處鳥跡印成中  
病假中龐少尹携魚相過

宦情牢落將暮病假聯綿日漸深被老相催雖白

首與春無分未甘心閒停茶枕從容語醉把花枝取  
次吟勞動故人龐閣老提魚携酒遠相

聽田順兒歌

曼玉敲冰聲未停嫌雲不道入青冥爭得黃金滿衫  
袖一時拋與斷年聽

聽曹剛琵琶兼示重蓮

撥撥絃絃意不同胡啼番語兩玲瓏誰能截得曹剛  
手插向重蓮衣袖中

酬令狐相公春日尋花見寄六韻

病卧帝王州花時不得遊老應隨日至春肯爲人留  
粉壞杏將謝火繁桃向稠白飄僧院地紅落酒家樓  
空裏雪相似晚來風不休吟君悵望句如到曲江頭



和劉郎中曲江春望見示

芳景多遊客衰翁獨在家肺傷妨飲酒眼痛忌看花  
寺路隨江曲官墻夾對斜羨君猶壯健不枉度年華  
送東都留守令狐尚書赴任

翠華黃屋未東巡碧洛青嵩付大臣地稱高情多水  
竹山宜閒望少風塵龍門卽擬爲遊客金谷先憑作  
主人歌酒家家花處處莫空管領上陽春

自題新昌居止因招楊郎中小飲

地偏坊遠巷仍斜最近東頭是白家宿雨長齊鄰舍  
柳晴光照出夾城花春風小榼三升酒寒食深爐一  
碗茶能到南園同醉否竿歌隨分有些些

南園試小樂

小園斑駁花初發新樂錚鏦教欲成紅萼紫房皆手  
植蒼頭碧玉盡家生高調管色吹銀字慢拽歌詞唱  
渭城不飲一杯聽一曲將何安慰老心情

和微之春日投簡陽明洞天五十韻

青陽行已半白日坐將祖越國強仍大稽城高且孤  
利饒鹽煮海名勝水澄湖牛斗天坐象台明地展圖  
天台四環竒填市井佳麗溢闔閭勾踐遺風霸西施  
舊俗妹船頭龍天矯橋脚獸睚眦鄉味玳蚌蚶時鮮  
貴鷓鴣語言諸夏異衣服一方殊搗練蛾眉婢鳴榔  
娃角奴江清敵伊洛山翠勝荆巫華表雙棲鶴聯墻  
幾點烏烟波分渡口雲對接城隅澗遠松如畫洲平  
水侶鋪綠科秧早稻紫筭折新蘆暖踏泥中藕香尋



石上蒲雨來萌盡達雷後蟄全蘇柳眼黃絲類花房  
絳螭珠林風新竹折野燒老桑枯帶鞞長枝蕙錢穿  
短貫榆暄和生野菜卑濕長街蕪女浣紗相伴兒烹  
鯉一呼山魈啼稚子林狝挂山都產業論蠶蟻孽生  
計鴨鷓泉岩雪飄灑苔壁錦漫糊堰限舟航路堤通  
車馬途耶溪岍回合禹廟徑盤紆洞穴何因鑿星槎  
誰與剗石凹仙藥曰峰峭佛香爐去爲投金簡來因  
挈玉壺貴仍招客宿律未要人扶問望賢丞相儀形  
美丈夫前駟駐旌旆偏坐列笙竽刺史旗翻隼尚書  
履曳鳧學禪超後有觀妙造虛無髻裏傳僧寶環中  
得道樞登樓詩八詠置硯賦三都捧擁羅將綺趨蹌  
紫與朱廟謀藏稷高兵略貯孫吳令下三軍整風高  
四海趨于家得慈丹六郡事嚴姑重士過三哺輕才  
抵一銖送觥歌宛轉嘲妓笑盧胡佐飲時炮鼈蠲醜  
數鱸鱸醉鄉雖咫尺樂事亦須臾若不中賢聖何由  
外智愚伊予一生志我爾百年軀江上三千里城中  
十二衢出多無伴侶歸只是妻孥白首青山約抽身  
去得無

酬鄭侍御多雨春空過詩三十韻

次用本韻

南雨來多滯東風動卽狂月行離畢急龍走召雲忙  
鬼轉雷車響蛇騰電策光浸滂天似漏沮洳地成瘡  
慘淡陰烟白空濛宿霧黃闇遮千里月悶結九回腸  
寂寞羈臣館深沉思婦房鏡昏鸞滅影衣潤麝沁香  
蘭濕難紉珮花凋易落粧沾黃鶯翅重滋綠草心長



紫陌皆泥濘黃污共森茫恐霖成怪沴望濟劇禎祥  
楚柳腰肢躡湘筠涕淚滂晝昏疑是夜陰盛勝於陽  
居士巾皆墊行人蓋盡張跳蛙還屢出移蟻欲深藏  
端坐交游癢間行去步妨愁生坐白叟惱殺踏青娘  
變海常須慮爲魚慎勿忘此時方共惧何處可相將  
此以下叙已望東溟禱仍封北戶禳却思逢旱魃誰  
浙東政事喜見商羊預怕爲蠶病先憂作麥霜惠應施浹洽政  
豈假揄揚祀典修成秩農書振滿牀丹誠期懇苦白  
日會昭彰賑廩調飢戶苦城備壞墻且當營歲事寧  
暇惜年芳德勝令災弭人安在吏良尚書心若此不  
枉繫金章

和春深二十首

何處春深好春深富貴家馬爲中路鳥妓作後庭花  
羅綺駘論隊金銀用短車眼前何所苦惟苦日西斜

二

何處春深好春深貧賤家荒涼三徑草冷落四隣花  
奴困歸傭力妻愁出貨車途窮平路險舉足劇褒斜

三

何處春深好春深執政家鳳池添硯水雞對落花  
詔借當衢宅恩容上殿車延英開對久門與日西斜

四

何處春深好春深方鎮家通犀排帶騰瑞鶴勒袍花  
飛絮衝毬馬坐楊拂妓車戎裝拜春設左握寶刀斜

五



何處春深好春深刺史家陰繁棠布葉岐秀麥分花  
五疋鳴珂馬雙輪畫軾車和風引行樂葉葉隼旗斜  
六

何處春深好春深學士家鳳書裁五色馬鬣剪三花  
蠟炬開明火銀臺賜物車相逢不敢揖彼此帽低斜  
七

何處春深好春深女學家慣看溫室對飽識浴堂花  
御印提隨仗香牋把下車宋家宮樣髻一片綠雲斜  
八

何處春深好春深御史家絮縈驄馬尾蝶繞繡衣花  
破柱行持斧埋輪立駐車入班遙認得魚貫一行斜  
九

何處春深好春深遷客家一杯寒食酒萬里故園花  
炎瘴蒸如火光陰走似車為憂鵬鳥至只恐日光斜  
十

何處春深好春深經業家唯求太常第不管曲江花  
折桂名慙却收螢志慕車官場泥鋪處最怕寸陰斜  
十一

何處春深好春深隱士家野衣裁薜葉山飯晒松花  
蘭索紉幽珮蒲輪駐軟車林間箕踞坐白眼向人斜  
十二

何處春深好春深漁父家松灣隨棹月桃浦落船花  
投餌移輕楫牽輪轉小車蕭蕭蘆葉裏風起釣絲斜  
十三



何處春深好春深潮戶家濤翻三月雪浪噴四時花  
曳練馳千馬驚雷走萬車餘波落何處江轉富陽斜

十四

何處春深好春深痛飲家十分杯裏物五色眼前花  
舖歎眠糟甕流涎見麴車中山一沉醉千度日西斜

十五

何處春深好春深上巳家蘭亭席上酒曲洛岍邊花  
弄水遊童棹湔裾小婦車齊橈爭渡處一匹錦標斜

十六

何處春深好春深寒食家玲瓏鏤雞子宛轉綵毬花  
碧草追遊騎紅塵拜掃車鞦韆細腰女摇曳逐風斜

十七

何處春深好春深博奕家一先爭破眼六聚闔成花  
鼓應投壺馬兵衝象戲車彈棊局上事最妙是長斜

十八

何處春深好春深嫁女家紫排襦上雉黃貼髮邊花  
轉燭初移障鳴環欲上車青衣傳氍毹錦繡一條斜

十九

何處春深好春深娶婦家兩行籠裏燭一樹扇間花  
賓拜登華席親迎障憶車催粧詩未了星斗漸傾斜

二十

何處春深好春深妓女家眉欺楊柳葉裙妬石榴花  
蘭麝熏行被金銅釘坐車杭州蘇小小人道最天斜

詠家醞十韻



獸醒從古咲靈均長醉如今教伯倫舊法依稀傳自  
杜杜康新方要妙得於陳陳郎中帖井泉王相資重九  
麴水用九月九日蘖精靈用上寅麴用七月上寅釀糯豈勞炊范黍  
撒筍何假漉陶巾常嫌竹葉猶凡濁始覺榴花不正  
真甕揭聞時香酷烈銜封貯後味甘辛捧疑明水從  
空化飲似陽和滿腹春色洞玉壺無表裏光搖金盞  
有禱神能消忙事成間事轉得憂人作樂人應是世  
間賢聖物與君還往擬終身

鶴池二首

高竹籠前無伴侶亂雞羣裏有風標低頭乍恐丹砂  
落晒翅常疑白雪消轉覺鷓鴣毛色下苦嫌鸚鵡語  
聲嬌臨風一唳思何事悵望青田雲水遥

池二中此鶴鶴中稀恐是遼東老令威帶雪松枝翹膝  
脛放花菱片綴毛衣低迴且向林間宿奮迅終須天  
外飛若問故巢知處在主人相戀未能歸

對酒五首

巧拙賢愚相是非何如一醉盡忘機君知天地中寬  
窄鷓鴣鸞皇各自飛

蝸牛角上爭何事石火光中寄此身隨富隨貧且歡  
樂不開口笑是痴人

丹砂見火去無迹白髮泥人來不休賴有酒仙相暖



熱松喬醉即到前頭

四

百歲無多時壯健一春能幾日清明相逢且莫推辭

醉聽唱陽關第四聲

第四聲勸君更盡一杯酒西出陽關無故人

五

昨日低眉問疾來今朝收淚弔人回眼前流例君看取且遣琵琶送一杯

僧院花

欲悟色空為佛事故栽芳樹在僧家細看便是華嚴偈方便風開智慧花

老戒

我有白頭戒聞於韓侍郎老多憂活計病更戀班行

和敏中洛下即事

時敏中為殿中分司

昨日池塘春草生阿連新有好詩成花園到處鴛鴦呼入駿馬遊時客避行水暖魚多似南國人稀塵少勝西京洛中佳境應無限若欲諳知問老兄

送敏中新授戶部員外郎西歸

千里歸程三伏天官新身健馬翩翩行衝赤日加餐飯上到青雲穩著鞭長慶老郎唯我在客曹故事望君傳前鴻後鴈行難續相去迢迢二十年

長慶初予為主客郎

中知制誥遷中書舍人去今二十一年也

南侍御以石相贈助成水聲因以絕句謝之

泉石磷磷聲似琴閒眠靜聽洗塵心莫輕兩片青苔石一夜潺湲直萬金



閒居自題戲招宿客

水畔竹林邊閒居二十年  
健常携酒出病即掩門眠  
解綬收朝佩褰裳出野舩  
屏除身外物擺落世間緣  
報曙窓何早知秋簟最先  
微風深樹裏斜日小樓前  
渠口添新石籬根寫亂泉  
欲招同宿客誰解愛潺湲

西亭墻下  
泉石有聲

李留守相公見過池上汎舟舉酒話及翰林  
舊事因成四韻以獻之

引棹尋池岸移樽就菊叢  
何言濟川後相訪釣舩中  
白首故情在青雲往事空  
同時六學士五相一漁翁

閏九月九日獨飲

菊花叢畔綠樽前猶有些些舊管絃  
偶遇閏秋重九日東籬獨酌一陶然  
自從九月持齋戒不醉重陽十五年

覽盧子蒙侍御舊詩多與微之唱和感今傷  
昔因贈子蒙題於卷後

早聞元九詠君詩恨與盧君相識遲  
今日逢君開舊卷卷中多道贈微之  
相看掩淚情難說別有傷心事  
豈知聞道咸陽墳上樹已抽三丈白楊枝

寒亭留客

今朝閒坐石亭中爐火銷殘樽又空  
冷落若爲留客住水池霜竹雪髯翁

新小灘

石淺沙平流水寒水邊斜插一漁竿  
江南客見生鄉



思道似嚴陵七里灘

和李中丞與李給事山居雪夜同宿小酌

憲府觸邪我豸角璪闈駁正犯龍鱗二人當官盛事為時所稱也

那知近地齋居客忽作深山同宿人一盞寒燈雲外

夜數盃温酌雪中春林泉莫作多時計諫獵登封憶

舊臣

履道西門二首

履道西門有弊居池塘竹樹遶吾廬豪華肥壯雖無

分飽暖安閒即有餘行竈朝香炊早飯小園春暖撥

新蔬夷齊黃綺誇芝蕨比我盤飧恐不如

二

履道西門獨掩扉官休病退客來稀亦知軒冕榮堪

送葬萬人皆慘淡反虞駟馬亦悲鳴琴書劍珮誰收

拾三歲遺孤新學行

卧聽法曲霓裳

金磬玉笙和已久牙牀角枕睡常遲朦朧閒夢初成

後宛轉柔聲入破時樂可理心應不謬酒能陶性信

無疑起嘗殘酌聽餘曲斜背銀缸半下帷

結之

歡愛今何在悲啼亦是空同為一夜夢共過十年中

五鳳樓晚望十六年八月十日作

晴陽晚照濕烟消五鳳樓高天次寥野綠全經朝雨

洗林紅半被暮雲燒龍門翠黛眉相對伊水黃金線

一條自入秋來風景好就中最好是今朝



寄劉蘇州

去年八月哭微之今年八月哭敦詩何堪老淚交流  
日多是秋風搖落時泣罷幾回深自念情來一倍苦  
相思同年同病同心事除却蘇州更是誰

送客

病上籃輿相送來衰容秋思兩悠悠  
哉涼風嫋嫋吹槐子却請行人勸一杯

秋思

夕照紅於燒晴空碧勝藍獸形雲不一弓勢月初三  
鴈思來天北砧愁滿水南蕭條秋氣味未老已深諳  
酬夢得秋夕不寐見寄

碧簾絳紗帳夜涼風景清病聞和藥氣渴聽碾茶聲

露竹偷燈影烟松護月明何言千里隔秋思一時生

題周家歌者

清緊如敲玉深圓似轉簧一聲腸一斷能有幾多腸  
憶夢得

齒髮各蹉跎踈慵與病和愛花心在否見酒興如何  
年長風情少官高俗慮多幾時紅燭下聞唱竹枝歌

贈同座

春黛雙蛾歛秋蓬兩鬢侵謀歡身太晚恨老意彌深  
薄解燈前舞尤能酒後吟花叢便不入猶自未甘心

夜招晦叔

庭草留霜池結冰黃昏鐘絕凍雲凝碧瓊帳上正飄  
雪紅火爐前初炷燈高調秦箏一兩弄小花蠻榼二



三升爲君更奏湘神曲夜就儂來能不能

戲荅皇甫監

時皇甫監初喪偶

寒宵勸酒君須飲君是孤眠七十身莫道非人身不  
煖十分一盞煖於人

和楊師臯傷小姬英英

自從嬌駭一相依共見楊花七度飛玳瑁牀空收枕  
席琵琶絃斷倚屏幃人間有夢何曾入泉下無家豈  
是歸墳上少啼留取淚明年寒食更沾衣

池邊卽事

氈帳胡琴出塞曲蘭塘越棹弄潮聲何言此處回風  
月蘄北江南萬里情

聞樂感隣

老去親朋零落盡秋來絃管感傷多尚書宅畔悲隣  
笛廷尉門前嘆雀羅綠綺牕空分妓女絳紗帳掩罷  
笙歌歡娛未足身先去爭柰書生薄命何

白氏文集卷第二十六



白氏文集卷第二十七

律詩

五言七言凡九十首

戊申歲暮詠懷三首

窮冬月末兩三日半百年過六七時龍尾赴朝無氣  
力牛頭參道有心期榮華外物終湏悟老病傍人豈  
得知猶被妻兒教漸退莫求致仕且分司

二

唯生一女才十二祇欠三年未六旬婚嫁累輕何怕  
老飢寒心慣不憂貧紫泥丹筆皆經手赤紱金章盡  
到身更擬踟躕覓何事不歸嵩洛作閒人

三

七年囚閉作籠禽但願開籠便入林幸得展張今日

笑神



翅不能辜負昔時心人間禍福愚難料世上風波老  
不禁萬一差池似前事又應追悔不抽簪

贈夢得

心中萬事不思量坐倚屏風卧向陽漸覺詠詩猶老  
醜豈宜憑酒更龐狂頭垂白髮我思退脚踏青雲君  
欲忙只有今春相伴在花前賸醉兩三場

想東遊五十韻并序

大和三年春予病免官後憶遊浙右數郡兼思到越  
一訪微之故兩浙之間一物已上想皆在吟吟且成  
篇不能自休盈五百字亦猶孫興公想天台山而賦  
之也

海內時無事江南歲有秋生民皆樂業地主盡賢侯

郊靜銷戎馬城高逼斗牛平河七百里沃壤二三州

自常及杭坐有湖山趣行無風浪憂食寧妨解纜寢

不廢乘流泉石諳天竺烟霞識虎丘天竺虎丘寺領

處餘芳認蘭澤遺詠思蘋洲古詩云蘭澤多芳草又

齒菡紅塗粉菰蒲綠潑油鮮差漁戶舍綺錯稻田溝

紫洞藏仙窟玄泉貯怪湫精神昂老鶴姿彩媚潛蚪

大謝詩云潛靜閱天工妙間窺物狀幽投竿出比目

擲果下獼猴味苦蓮心小漿甜蔗節稠橘苞從自結

藕孔是誰鏤逐日移潮信隨風變棹謳迤夫交烈火

候吏次鳴騶梵塔形疑踊重玄閣閭門勢欲浮吳閶客

迎攜酒榼僧待置茶甌小宴間談笑初筵雅獻酬稍

催朱蠟炬徐動碧牙籌圓盞飛蓮子長裾曳石榴柘



枝隨畫  
笑從香毬幕  
颺雲飄檻簾  
寒月露鉤舞  
繁紅袖去歌  
切翠眉愁絃  
管寧容歇盃  
盤未許收良  
辰宜醕酌卒  
歲好優游繪  
縷鮮仍細尊  
絲滑且柔飽  
食為日計穩  
睡是身謀名  
愧空虛得官  
知止足休自  
嫌猶屑屑衆  
咲大悠悠物  
表踈形役人  
寰足悔尤蛾  
須遠燈燭兔  
勿近且呆幻  
世春來夢浮  
生水上漚百  
憂中莫入一  
醉外何求未  
死癡王湛無  
兒老鄧攸蜀  
琴安膝上周  
易在牀頭去  
去無程客行  
行不繫舟勞  
君頻問訊勸  
我少淹留  
自此後並  
屬微之  
雲雨多分散  
關山  
苦阻脩一吟  
江月別七見  
日星周  
昔在杭州別微之  
微之留詩云明朝  
落潮平是去時  
珠玉傳新什  
鷓鴣念故儔  
懸旌心死  
轉束楚意綢  
繆驛舫粧青  
雀官槽餽紫  
騮鏡湖期遠

汎禹穴約冥搜  
預掃題詩壁  
先開望海樓  
飲思親  
鳥宿憶並衾  
稠志氣吾衰也  
風情子在  
不應須相見  
後別作一家遊  
吾衰子在  
並出家語

病免後喜除賓客

卧在漳濱滿十旬  
起為商皓伴三人  
從今且莫嫌身  
病不病何由索得身

長樂亭留別

灞滻風煙函谷路  
曾經幾度別長安  
昔時感促為遷  
客今日從容自去  
官優詔幸分四皓  
秩祖筵慙繼二  
踈歡塵纓世網重  
重縛迴顧方知出  
得難

陝府王大夫相迎偶贈

紫微閣老自多情  
白首園公豈要迎  
伴我綠槐陰下



歌向君紅旆影前行  
綸巾髮少渾歌次  
籃輦肩齊甚  
穩平但問主人留  
幾日分司賓客去  
無程

別陝州王司馬

笙歌惆悵欲爲別  
風景闌珊初過春  
爭得遣君詩不  
苦黃河岸上白頭人

將至東都先寄令狐留守

黃鳥無聲葉滿枝  
閒吟想到洛城時  
昔逢金谷三春  
盡恨拜銅樓一月  
遲詩境忽來還  
自得醉鄉潛去與  
誰期東都添箇  
狂賓客先報壺觴  
風月知

答崔十八見寄

明朝欲見琴樽伴  
洗拭金盃拂玉徽  
君乞曹州刺史  
替我拋刑部侍郎  
歸倚瘡老馬收蹄  
立避箭高鴻蹇  
翅飛豈料洛陽風  
月夜故人垂老得  
相依

贈皇甫賓客

輕衣穩馬槐陰路  
漸近東來漸少塵  
耳聞久憎聞俗  
事眼明初喜見  
閒人昔曾對作承  
華相今復連爲博  
望賓始信淡交宜  
又遠與君轉老轉  
相親

歸履道宅

驛吏引藤輦家童  
開竹扉往時多暫  
住今日是長歸  
眼下有衣食耳邊  
無是非不論貧與  
富飲水亦應肥

問江南物

歸來未及問生涯  
先問江南物在耶  
引手摩挲青石  
笋迴頭點檢白蓮  
花蘇州舫故龍頭  
暗王尹橋傾鴈  
齒斜別有夜深惆  
悵事月明雙鶴在  
裴家



蕭庶子相過

半日停車馬何人在白家慙慙蕭庶子愛酒不嫌茶

荅尉遲少尹問所須

乍到頻勞問所須所須非玉亦非珠愛君水閣宜閒  
詠每有詩成許去無

詠閒

但有閒銷日都無事繫懷朝眠因客起午飯伴僧齋  
樹合陰交戶池分水夾階就中今夜好風月似江淮

同崔十八寄元浙東王陝州

未能同隱雲林下且復相招祿仕間隨月有錢勝賣  
藥終年無事抵歸山鏡湖水遠何由汎棠樹枝高不  
易攀惆悵八科殘四在兩人榮闈兩人閒

荅蘇庶子月夜聞家僮奏樂見贈

墻西明月水東亭一曲霓裳按小伶不敢邀君無別  
竟絃生管澁未堪聽

偶吟

里巷多通水林園盡不扃松身為外戶池面是中庭  
元氏詩三帙陳家酒一瓶醉來狂發詠鄰女映籬聽

白蓮池汎舟

白藕新花照水開紅窓小舫信風迴誰教一片江南  
興逐我慙慙萬里來

池上即事

行尋甃石引新泉坐看脩橋補釣船綠竹挂衣涼  
歇清風展簟困時眠身閒當貴真天爵官散無憂即



地仙林下水邊無厭日便堪終老豈論年

酬裴相公見寄二絕

習靜心方泰勞生事漸稀可憐安穩地捨此欲何歸  
二

一雙垂翅鶴數首解嘲文惚是迂間物爭堪伴相君

荅夢得聞蟬見寄

開緘思浩然獨詠晚風前人貌非前日蟬聲似去年  
槐花新雨後柳影欲秋天聽罷無他計相思又一篇

令狐尚書許過弊居先贈長句

不矜軒冕愛林泉許到池頭一醉眠已遣平治行藥  
逕兼教掃拂釣魚船應將筆硯隨詩主定有笙歌伴  
酒山祇候高情無別物蒼苔石笋白花蓮

自題

老宜官冷靜貧賴俸優饒熱月無堆案寒天不趁朝  
傍看應寂寞自覺甚逍遙徒對盈樽酒兼無愁可銷

荅崔十八

勞將白叟比黃公今古由來事不同我有商山君未  
見清泉白石在胷中

偶詠

禦熱蕉衣健扶羸竹杖輕誦經凭檻立散藥遶廊行  
暝槿無風落秋蟲欲雨鳴身閒當將息病亦有心情

荅蘇六

但喜暑隨三伏去不知秋送二毛來更無別計相寬  
慰故遣陽關勸一盃



秋遊

下馬閒行伊水頭涼風清景勝春遊何事古今詩句裏不多說著洛陽秋

偶作

張翰一杯酒榮期三樂歌聰明傷混沌煩惱汚頭陀  
簞冷秋生早皆閒日上多近來門更靜無雀可張羅  
遊平泉贈晦叔

照水容雖老登山力未衰欲眠先命酒暫歇亦吟詩  
且喜身無縛終慙鬢有絲迴頭語閒伴閒校十年遲

不出門

不出門來又數旬將何銷日與誰親鶴籠開處見君  
子書卷展時逢古人自靜其心延壽命無求於物長

精神能行便是真脩道何必降魔調伏身

歎鶴病

右翅低垂左脛傷可憐風貌甚昂藏亦知白日青天  
好未要高飛且養瘡

臨都驛送崔十八

勿言臨都五六里扶病出城相送來莫道長安一步  
地馬頭西去幾時迴與君後會知何處為我今朝盡  
一盃

對鏡

三分鬢髮二分絲曉鏡秋容相對時去作忙官應太  
老退為閒叟未全遲靜中得味何須道穩處安身更  
莫疑若使至今黃綺在聞吾此語亦分司



勸酒十四首并

予分秩東都居多假日閒來輒飲醉後輒吟苦無詞  
章不成謠詠每發一意則成一篇凡十四篇皆主於  
酒聊以自勸故以何處難忘酒不如來飲酒命篇

何處難忘酒七首

何處難忘酒長安喜氣新初登高第後乍作好官人  
省壁明張榜朝衣穩稱身此時無一盞爭奈帝城春

二

何處難忘酒天涯話舊情青雲俱不達白髮遞相驚  
二十年前別三千里外行此時無一盞何以叙平生

三

何處難忘酒朱門羨少年春分花發後寒食月明前

小院迴羅綺深房理管絃此時無一盞爭過艷陽天

四

何處難忘酒霜庭老病翁暗聲啼蟋蟀乾葉落梧桐  
鬢爲愁先白顏因醉暫紅此時無一盞何計奈秋風

五

何處難忘酒軍功第一高還鄉隨露布半路授旌旄  
玉柱剝葱手金章爛椹袍此時無一盞何以騁雄豪

六

何處難忘酒青門送別多歛襟收涕淚族馬聽笙歌  
煙樹灞陵岸風塵長樂坡此時無一盞爭奈去留何

七

何處難忘酒逐臣歸故園赦書逢驛騎賀客出都門



半面瘴煙色滿衫鄉淚痕此時無一盞何物可招魂  
不如來飲酒七首

莫隱深山去君應到自嫌齒傷朝水冷貌苦夜霜嚴  
漁去風生浦樵歸雪滿巖不如來飲酒相對醉耿耿

二

莫作農夫去君應見自愁迎春犁瘦地趁晚餒羸牛  
數被官加稅稀逢歲有秋不如來飲酒相伴醉悠悠

三

莫作商人去恓惶君未諳雪霜行塞北風水宿江南  
藏鏹百千萬沉丹十二三不如來飲酒仰面醉酣酣

四

莫事長征去辛勤難具論何曾盡麟閣祇是老轅門

蟣虱衣中物刀鎗面上痕不如來飲酒合眼醉昏昏

五

莫學長生去仙方悞殺君那將薤上露擬待鶴邊雲  
矻矻皆燒藥纍纍盡作墳不如來飲酒閒坐醉醺醺

六

莫上青雲去青雲足愛憎自賢誇智慧相糾鬪功能  
魚爛緣吞餌蛾焦爲撲燈不如來飲酒任性醉騰騰

七

莫入紅塵去令人心力勞相爭兩蝸角所得一牛毛  
且滅嗔中火休磨笑裏刀不如來飲酒穩卧醉陶陶

和令狐相公寄劉郎中兼見示長句

日月天衢仰面看尚淹池鳳滯臺鸞碧幢千里空移



鎮赤筆三年未轉官別後縱吟終少興病來雖飲不  
多歡酒軍詩敵如相遇臨老猶能一據鞍

即事

見月連宵坐聞風盡日眠室香羅藥氣籠煖焙茶烟  
鶴啄新晴地雞棲薄暮天自看淘酒米倚杖小池前  
期宿客不至

風飄雨灑簾帷故竹映松遮燈火深宿客不來嫌冷  
落一樽酒對一張琴

問移竹

問君移竹意如何慎勿排行但間窠多種少栽皆有  
意大都少校不如多

重陽席上賦白菊

滿園花菊鬱金黃中有孤叢色似霜還似今朝歌酒  
席白頭翁入少年場

偶吟二首

眼下有衣兼有食心中無喜亦無憂正如身後有何  
事應向人間無所求靜念道經深閉目閒迎禪客小  
低頭猶殘少許雲泉興一歲龍門數度遊

二

晴教暇藥泥茶竈閒看科松洗竹林活計縱貧長淨  
潔池亭雖小頗幽深厨香炊黍調和酒牕暖安絃拂  
拭琴老去生涯抵如此更無餘事可勞心

何處春先到

何處春先到橋東水北亭凍花開未得冷酒著難醒



就日移輕榻遮風展小屏不勞人勸醉鸞語漸丁寧

勉閒遊

天時人事常多故一歲春能幾處遊不是塵埃便風  
雨若非疾病即悲愁貧窮心苦多無興富貴身忙不  
自由唯有分司官恰好閒遊雖老未能休

寄兩銀榼與裴侍郎因題二絕

貧無好物堪為信雙榼雖輕意不輕願奉謝公池上  
酌丹心綠酒一時傾

二

慣和麴蘖堪盛否重用鹽梅試洗看小器不知容幾  
許襄陽米賤酒升寬

銀匠先銀多以鹽花梅漿也

小橋柳

細水涓涓似淚流日西惆悵小橋頭襄楊葉盡空枝  
在猶被霜風吹不休

哭微之二首

八月涼風吹白幕寢門廊下哭微之妻孥朋友來相  
吊唯道皇天無所知

二

文章卓犖生無敵風骨英靈歿有神哭送咸陽北原  
上可能隨例作灰塵

馬上晚吟

人少街荒已寂寥風多塵起重蕭條上陽落葉飄宮  
樹中渡流澌擁渭橋出早冒寒衣校薄歸遲侵黑酒  
全消如今不是閑行日日短天陰坊曲遙



醉中重留夢得

劉郎劉郎莫先起蘇臺蘇臺隔雲水酒盞來從一百  
分馬頭去便三千里

雪夜喜李郎中見訪兼酬所贈

可憐今夜鵝毛雪引得高情鶴筆人紅蠟燭前明似  
畫青氈帳裏暖如春十分滿盞黃金液一尺中庭白  
玉塵對此欲留君便宿詩情酒分合相親

任老

不愁陌上春光盡亦任庭前日影斜面黑眼昏頭雪  
白老應無可更增加

勸歡

火急歡娛慎勿遲睢看老病悔難追樽前花下歌筵

裏會有來來不得時

答王尚書問履道池舊橋

虹梁鴈齒隨年換素板朱欄逐日脩但恨尚書能久  
別莫愁州守不頻遊重移舊柱開中眼亂種新花擁  
兩頭李郭小船何足問待君乘過濟川舟

晚歸府

晚從履道來歸府街路雖長尹不嫌馬上涼於床上  
坐綠槐風透紫蕉衫

從龍潭寺至少林寺題贈同遊者

山屐田衣六七賢寒芳蹋翠弄潺湲九龍潭月落杯  
酒三品松風飄管絃強健且宜遊勝地清涼不覺過  
炎天始知駕鶴乘雲外別有逍遙地上仙



夜從法王寺下歸嶽寺

雙刹夾虛空，綠雲一徑通。似從初利下，如過劍門中。  
燈火光初合，笙歌曲未終。可憐師子座，昇出淨名翁。

宿龍潭寺

夜上九潭誰是伴，雲隨飛蓋月隨盃。明年尚作三川守，此地兼將歌舞來。

嵩陽觀夜奏霓裳

開元遺曲自淒涼，况近秋天調是商。愛者誰人唯白尹，奏時何處在嵩陽。迥臨山月聲彌怨，散入松風韻更長。子晉少姨聞定怪，人間亦便有霓裳。

過元家履信宅

雞犬喪家分散後，林園失主寂寥時。落花不語空辭。

樹流水無情，自入池風蕩。醺船初破漏，雨淋歌閣欲傾。欹前庭後院，傷心事唯是春風。秋月知和杜錄事題紅葉。

和杜錄事題紅葉

寒山十月旦，霜葉一時新。似燒非因火，如花不待春。連行排絳帳，亂落剪紅巾。解駐籃輦看風前，唯兩人

題崔常侍濟上別墅

時常侍以長告罷歸今故先報泉石

求榮爭寵任紛紛，脫棄金貂祗有君。散負疎去未為貴，小邑陶休何足云。山色好當晴後見，泉聲宜向醉中聞。主人憶爾爾知否，拋却青雲歸白雲。

過溫尚書舊莊

白石清泉拋濟口，碧幢紅旆照河陽。村人都不知時事，猶自呼為處士莊。



天壇峯下贈杜錄事

年顏氣力漸衰殘王屋中峯欲上難頂上將探小有  
洞天壇頂上喉中須嚙大還丹時杜方煉伏火砂次河車九轉  
宜精鍊火候三年在好看他日藥成分一粒與君先  
去掃天壇

贈僧五首

鉢塔院如大師師年八十三登壇秉律凡六十年每歲於師處授入關戒

者九度

百千萬劫菩提種八十三年功德林若不秉持僧行  
苦將何報答佛恩深慈悲不瞬諸天眼清淨無塵幾  
地心每歲八關蒙九授慇懃一戒重千金

神照上人

照以說壇為佛事

心如定水隨形應口似懸河逐病治曾向衆中先  
拜西方去日莫相遺

自遠禪師

遠以無事為佛事

自出家來長自在緣身一衲一繩牀令人見即無  
事每一相逢是道場

宗實上人

實即樊司空之子捨官位妻子出家

榮華恩愛棄成唾戒定真如和作香今古雖殊同一  
法瞿曇拋却轉輪王

清閒上人

自蜀入洛於長壽寺說法度人

梓潼眷屬何年別長壽壇場近日開應是蜀人皆度  
了法輪移向洛中來

彈秋思



信意閒彈秋思時調清聲直韻踈遲近來漸喜無人  
聽琴格高低心自知

自詠

隨宜飲食聊充腹取次衣裘亦煖身未必得年非瘦  
薄無妨長福是單貧老龜豈羨犧牲飽蟠木寧爭桃  
李春隨分自安心自斷是非何用問閒人

分司初到洛中偶題六韻兼戲呈馬尹

相府念多病春官容不才官銜依口得俸祿逐身來  
白首林園在紅塵車馬迴招呼新客旅掃掠舊池臺  
小舫宜攜樂新荷好蓋盃不知金谷主早晚賀筵開

春風

春風先發苑中梅櫻杏桃梨次第開薺花榆莢深村

裏亦道春風爲我來

白氏文集卷第二十七



白氏文集卷第二十八

律詩

五言七言  
凡一百首

洛陽春

洛陽陌上春長在昔別今來二十年唯覓少年心不  
得其餘萬事盡依然

恨去年

老去猶耽酒春來不著家去年來校晚不見洛陽花  
早出晚歸

早起或因攜酒出晚歸多是看花迴若拋風景長閒  
坐自問東京作底來

魏王堤

花寒懶發鳥慵啼信馬閒行到日西何處未春先有



思柳條無力魏王堤

嘗黃醅新耐憶微之

世間好物黃醅酒天下閒人白侍郎愛向卯時謀洽  
樂亦曾酉日放麤狂醉來枕麴貧如富詩云一身後  
堆金有若亡元九計程殊未到甕頭一盞共誰嘗

勸行樂

少年信美何曾久春到雖遲不再逢歡笑勝愁歌勝  
哭請君莫道等頭空

老慵

豈是交親向我踈老慵自愛閉門居近來漸喜知聞  
斷免惱稽康索報書

酬別微之臨都驛  
醉後作

灑頭峽口錢塘岸二別都經二十年且喜筋骸俱健  
在勿嫌鬢髮各皤然君歸北闕朝天帝我住東京作  
地仙博望自來非棄置承明重入莫拘牽醉收盃杓  
停燈語寒展衾裯對枕眠猶被分司官繫絆送君不  
得過甘泉

予與微之老而無子發於言歎著在詩篇今  
年各有一子戲作二什一以相賀一以自  
嘲

常憂到老都無子何況新生又是兒陰德自然宜有

慶于公陰德皇天可得道無知皇天無知一園水竹

今為主微之履信新百卷文章更付誰微之文集莫

慮鷓鴣無浴處即應重入鳳凰池



自嘲

五十八翁方有後靜思堪喜亦堪嗟一珠甚少還慙  
蚌八子雖多不羨鴉秋月晚生丹桂實春風新長紫  
蘭芽持盃祝願無他語慎勿頑愚似汝爺

自問

年來私自問何故不歸京佩玉腰無力看花眼不明  
老慵難發遣春病易滋生賴有彈琴女時時聽一聲

晚桃花

一樹紅桃亞拂池竹遮松蔭晚開時非因斜日無由  
見不是閑人豈得知寒地生材遺校易貧家養女嫁  
常遲春深欲落誰憐惜白侍郎來折一枝

夜調琴憶崔少卿

今夜調琴忽有情欲彈惆悵憶崔卿何人解愛中徽  
上秋思頭邊八九聲

呵崔

謝病臥東都羸然一老夫孤單同伯道遲暮過商瞿  
豈料鬢成雪方看掌弄珠已衰寧望有雖晚亦勝無  
蘭入前春夢桑懸昨日弧里閭多慶賀親戚共歡娛  
賦剝新胎髮香縵小綉襦玉芽開手瓜酥顆點肌膚  
弓冶將傳汝琴書勿墜吾未能知壽夭何暇慮賢愚  
乳氣初離殼啼聲漸變鶻何時能反哺供養白頭烏

贈鄰里往還

問予何故獨安然免被飢寒婚嫁牽骨肉都盧無十  
口糧儲依約有三年但能抖擻人間事便是逍遙地



上仙唯恐往還相，厭賤南家飲酒北家眠。

王子晉廟

子晉廟前山月明，人聞往往夜吹笙。鸞吟鳳唱聽無拍，多似霓裳散序聲。

晚起

起晚憐春暖，歸遲愛月明。放慵長飽睡，聞健且閒行。北關停朝簿，西方入社名。唯吟一句偈，無念是無生。

酬皇甫賓客

玄晏家風黃綺身，深居高臥養精神。性慵無病常稱病，心足雖貧不道貧。竹院君閒銷永日，花亭我醉送殘春。自嫌詩酒猶多興，若比先生是俗人。

池上贈韋山人

新竹夾平流，新荷拂小舟。衆皆嫌好拙，誰肯伴閒游。客爲忙多去，僧因飯暫留。獨憐韋處士，盡日共悠悠。

無夢

老眼花前暗，春衣雨後寒。舊詩多忘却，新酒且嘗看。拙定於身穩，慵應趁伴難。漸銷名利想，無夢到長安。

對小潭寄遠上人

小潭澄見底，閒客坐開襟。借問不流水，何如無念心。彼惟清且淺，此乃寂而深。是義誰能答，明朝問道林。

閒吟二首

留司老賓客，春盡興如何。官寺行香少，僧房寄宿多。閒傾一盞酒，醉聽兩聲歌。憶得陶潛語，羲皇無以過。



閒遊來早晚已得一周年嵩洛供雲水朝廷乞俸錢  
長哥時獨酌飽食後安眠聞道山榴發明朝向玉泉

獨遊玉泉寺

三月三十日

雲樹玉泉寺肩舁半日程更無人作伴祇共酒同行  
新葉千萬影殘鷺三兩聲閒遊竟未足春盡有餘情  
晚出尋人不見

籃輦不乘乘晚涼相尋不遇亦無妨輕衣穩馬槐陰  
下自要閒行一兩坊

苦熱

頭痛汗盈巾連宵復達晨不堪逢苦熱猶賴是閒人  
朝客應煩倦農夫更苦辛始慙當此日得作自由身

銷暑

何以銷煩暑端居一院中眼前無長物窓下有清風  
熱散由心靜涼生爲室空此時身自得難更與人同

行香歸

出作行香客歸如坐夏僧牀前雙草屨簷下一紗燈  
珮委腰無力冠欹髮不勝鬢臺龍尾道合盡少年登

同王十七庶子李六負外鄭二侍御同年四

人遊龍門有感而作

一曲悲歌酒一樽同年零落幾人存世如閣水應堪  
嘆名似浮雲豈足論各從祿仕休明代共感平生知  
已恩今日與君重上處龍門不是舊龍門

池上小宴問程秀才

洛下林園好自知江南景物暗相隨淨淘紅粒晉香



飯薄切紫鱗烹水葵雨滴蓬聲青雀舫浪揺花影白  
蓮池停盃一問蘇州客何似吳松江上時

橋亭卯飲

卯時偶飲齋時卧林下高橋橋上亭松影過窓眠始  
覺竹風吹面醉初醒就荷葉上包魚鮮當石渠中浸  
酒瓶生計悠悠身兀兀甘從妻喚作劉伶

舟中夜坐

潭邊霽後多清景橋下涼來足好風秋鶴一雙舩一  
隻夜深相伴月明中

戲和微之谷實七行軍之作依本韻

旌鉞從橐鞬賓僚禮數全  
蟬龍來要地鷓鷯下遼天  
赭汗騎驕馬青蛾舞醉仙  
合成江上作散到洛中傳

陋巷能無酒貧池亦有舩  
春裝秋未寄謾道有閒錢

閒忙

奔走朝行內棲遲林墅間  
多因病後退少及徤時還  
斑白霜侵鬢蒼黃日下山  
閒忙俱過日忙校不如閒

西風

西風來幾日一葉已先飛  
新霽乘輕屐初涼換熟衣  
淺渠銷慢水踈竹漏斜暉  
薄暮青苔巷家僮引鶴歸

題西亭

多見朱門富貴人林園未畢即無身  
我今幸作西亭主已見池塘五度春

觀游魚

遶池閒步看魚遊正值兒童弄釣舟  
一種愛魚心各



異我來施食爾垂鈎

看採蓮

小桃閒上小蓮船半採紅蓮半白蓮不似江南惡風浪芙蓉池在卧牀前

看採菱

菱池如鏡淨無波白點花稀青角多時唱一聲新水調謾人道是採菱歌

天老

早世身如風裏燭暮年髮似鏡中絲誰人斷得人間事少天堪傷老又悲

秋池

洗浪清風透水霜水邊閒坐一繩牀眼塵心垢見皆

盡不是秋池是道場

登天宮閣

午時乘輿出薄暮未能還高王烟中閣平看雪後山委形群動裏任性一生閒洛下多閒客其中我最閒

新雪二首

寄楊舍人

不思北省烟霄地不憶南宮風月天唯憶靜恭楊閣老小園新雪煖爐前

二

不思朱雀街東鼓不憶青龍寺後鐘唯憶夜深新雪後新昌臺上七株松

日高卧

怕寒放懶日高卧臨老誰言牽率身夾幕繞房深似



洞重裊襯枕暖於春小青衣動桃根起嫩綠醅浮竹  
葉新未裹頭前傾一盞何如衝雪趁朝人

和微之任校書郎日過三鄉

三鄉過日君年幾今日君年五十餘不獨年催身亦  
變校書郎變作尚書

和微之十七與君別及朧月花枝之詠

別時十七今頭白惱亂君心三十年垂老休吟花月  
句恐君更結後身緣

和微之嘆槿花

朝榮殊可惜暮落實堪嗟若向花中比猶應勝眼花

思往喜今

憶除司馬向江州及此凡經十五秋雖在簪裾從俗

累半尋山水是閒遊謫居終帶鄉關思領郡猶分邦  
國憂爭似如今作賓客都無一念到心頭

題平泉薛家雪堆莊

怪石千年應自結靈泉一帶是誰闌處為宛轉青蛇  
項噴作玲瓏白雪堆赤日旱天長看雨玄陰臘月亦  
聞雷所嗟地去都門遠不得肩舁每日來

和微之道保生三日

相看髮似絲始作弄璋詩且有承家望誰論得力時  
莫與三日嘆猶勝七年遲予老微之七歲我未能忘喜君應  
不合悲嘉名稱道保乞姓號崔兒但恐持相並蒹葭  
瓊樹枝

哭皇甫七郎中湜



志業過玄晏詞華似禰衡多才非福祿薄命是聰明  
不得人間壽還留身後名涉江文一首便可敵公卿

持正奇文甚多  
涉江一章尤出

晚起

爛熳朝眠後頻伸晚起時煖爐生火早寒鏡裏頭遲  
融雪煎香茗調酥煮乳糜慵饒還自哂快活亦誰知  
酒性溫無毒琴聲淡不悲榮公三樂外仍弄小男兒

疑夢二首

莫驚寵辱虛憂喜莫計恩讐浪苦辛黃帝孔丘無處  
問安知不是夢中身

二

鹿疑鄭相終難辨蝶化莊性詎可知假使如今不是

夢能長於夢幾多時

夜宴惜別

笙歌旖旎曲終頭轉作離聲滿坐愁筆怨朱絃從此  
斷燭啼紅淚為誰流夜長似歲歡宜盡醉未如泥飲  
莫休何況雞鳴即須別門前風雨冷脩脩

歸來二周歲

歸來二周歲二歲似須臾池藕重生葉林鴉再引鷓  
時豐實倉廩春暖葺庖厨更作三年計三年身健無

吾土

身心安處為吾土豈限長安與洛陽水竹花前謀活  
計琴詩酒裏到家鄉榮先生老何妨樂楚接輿歌未  
必狂不用將金買宅城東無主是春光



題岐王舊山池石壁

樹深藤老竹迴環石壁重重錦翠  
俗客看來猶解愛忙人到此亦須閒  
况當霽景涼風後如在千巖萬壑間  
黃綺更歸何處去洛陽城內有商山

病眼花

頭風目眩乘衰老祇有增加豈有瘳  
傳云有加而無瘳花發眼中猶足怪  
柳生肘上亦須休大窠羅綺看纔辨  
小字文書見便愁必若不能分黑白却  
應無悔復無尤

早飲醉中除河南尹勅到

雪擁門水滿池温爐卯後煖寒時綠醅  
新嘗初醉黃紙除書到不知厚俸自來  
誠忝濫老身欲起尚遲疑應湏了却丘  
中計女嫁男三逕資

除夜

病眼少眠非守歲老心多感又臨春  
火銷燈盡天明後便是平頭六十八人

府西池

柳無氣力枝先動池有波紋水盡開  
今日不知誰計會春風春水一時來

天津橋

津橋東北斗亭西到此令人詩思迷  
眉月晚生神女浦臉波春傍窈娘堤  
柳絲嫋嫋風縹出草縷茸茸雨剪齊  
報道前驅少呼喝恐驚黃鳥不成啼

不准擬二首

監輦騰騰一老夫褐裘烏帽白髭鬚  
早衰饒病多蔬



食筋力消磨合有無不淮擬身年六十上山仍未再  
人扶

二

憶昔謫居炎瘴地巴猿引哭虎隨行多於賈誼長沙  
苦予自左遷江小校潘安白髮生不淮擬身年六十  
遊春猶自有心情

府中夜賞

櫻桃廳院春偏好石井欄堂夜更幽白粉墻頭花半  
出緋紗燭下水平流閒留賓客嘗新酒醉領笙歌上  
小舟舞袖颺颺棹容與忽疑身是夢中遊

府西池北新葺水齋即事招賓偶題十六韻

繚繞府西面潺湲池北頭鑿開明月峽決破白

清淺漪瀾急寅緣浦嶼幽直衝行徑斷平入卧齋流  
石疊青稜玉波翻白片鷗噴時千點雨澄處一泓油  
絕境應難別同心豈易求少逢人愛翫多是我淹留  
夾岸鋪長簟當軒泊小舟枕前看鶴浴床下見魚遊  
洞戶斜開扇踈簾半上鈎紫浮萍泛泛碧亞竹條條  
讀罷書仍展碁終局未收午茶能散睡卯酒善消愁  
簷雨晚初霽愔風涼欲休誰能老尹時復一閒遊

哭崔兒

掌珠一顆兒三歲鬢雪千莖父六旬豈料汝先為異  
物常憂吾不見成人悲腸自斷非因劍啼眼加昏不  
是塵懷抱又空天默默依前重作鄧攸身

初喪崔兒報微之晦叔



書報微之晦叔知欲題崔字淚先垂世間此恨偏敦  
我敦音堆見詩注天下何人不哭兒蟬老悲鳴拋蛇後龍眠  
驚覺失珠時文章千帙官三品身後傳誰庇廕誰

府齋感懷酬夢得

時初喪崔兒夢得以詩相安云從此期君此瓊樹一

枝吹折一枝生故有此落句以報之

府伶呼喚爭先到家醞提攜動輒隨合是人生開眼  
日自當年老斂眉時丹砂鍊作三銖土玄髮看成一  
把絲勞寄新詩遠安慰不聞枯樹更生枝

齋居

香火多相對葷腥久不嘗黃耆數匙粥赤箭一甌湯  
厚俸將何用閒居不可忘明年官滿後擬買雪堆莊  
與諸道者同遊二室至九龍潭作

喜逢二室遊仙子猷作三川守土臣舉手摩挲潭上  
石開襟抖擻府中塵他日終為獨往客今朝未是自  
由身若言尹是嵩山主三十六峯應笑人

履道池上作

家池動作經旬別松竹琴魚好在無樹暗小巢藏巧  
婦渠荒新葉長慈姑不因車馬時時到豈覺林園日  
日蕪猶喜春深公事少每來花下得踟躕

六十拜河南尹

六十河南尹前途足可知老應無處避病不與人期  
幸遇芳菲日猶當強健時萬金何假藉一盞莫推辭  
流水光陰急浮雲富貴遲人間若無酒盡合髮成絲

重脩府西水亭院



因下疏爲沼隨高築作臺龍門分水入金谷取花栽  
遶岸行初匝憑軒立未迴園西有池位留與後人開  
與諸公同出城觀稼

老尹醉醺醺來隨年少群不憂頭似雪但喜稼如雲  
歲望千箱積秋憐五穀分何人知帝力堯舜正爲君  
水堂醉臥問杜三十一

聞君洛下任多年何處春流最可憐爲問魏王堤岸  
下何如同德寺門前無妨水色堪閒翫不得泉聲伴  
醉眠那似此堂簾幕底連明連夜碧潺湲

歲暮言懷

職與才相背心將口自言磨鉛教切玉驅鴈遣乘軒  
只合居巖窟何因入府門年終若無替轉恐負君恩

座中戲呈諸少年

衰容禁得無多酒秋髮新添幾許霜縱有風情應淡  
薄假如老健莫誇張興來吟詠從成癖飲後酣歌少  
放狂不爲倚官兼挾勢因何入得少年場

雪後早過天津橋偶呈諸客

官橋晴雪曉峩峩老尹行吟獨一過紫綬相輝應不  
惡白鬚同色復如何悠揚短景凋年急牢落衰情感  
事多猶賴洛中饒醉客時時泥我喚笙歌

新製綾襖成感而有詠

水波文襖造新成綾軟縣勻溫復輕晨興好擁向陽  
坐晚出宜披蹋雪行鶴氅毳踈無實事木綿花冷得  
虛名宴安往往歡侵夜卧穩昏昏睡到明百姓多寒



無可救一身獨煖亦何情  
心中爲念農桑苦耳裏如  
聞飢凍聲爭得大裘長  
萬丈與君都蓋洛陽城

早春雪後贈洛陽李長官鄭明府二同年  
獻歲晴和風景新  
銅駝街郭暖無塵  
府亭共賀三川  
雪縣道分行百里  
春朱紱洛陽官位  
屈青袍長水俸  
錢貧有何功德  
紆金紫若比同年  
是幸人

醉吟

醉忘渴復忘飢冠帶形骸杳若遺  
耳底齋鐘初過後  
心頭卯酒未消時  
臨風朗詠從人聽  
看雪閒行任  
馬遲應被衆疑  
公事慢承前府尹  
不吟詩

府酒五絕

變法

自慙到府來  
周歲惠愛威稜  
一事無唯是  
改張官酒  
法漸從濁水  
作醍醐

招客

日午微風且暮寒  
春風冷峭雪乾殘  
碧氈帳下紅爐  
畔試爲來嘗一盞看

辨味

甘露太甜非正味  
醴泉雖潔不芳馨  
盃中此物何人  
別柔旨之中有典刑

自勸

憶昔羈貧應舉年  
脫衣典酒曲江邊  
十千一斗猶賒  
飲何況官供不著錢

諭妓



燭淚夜粘桃葉袖酒痕春汚石榴裙莫辭辛苦供歡  
宴老後思量悔煞君

晚歸早出

筋力年年減風光日日新退衙歸逼夜拜表出侵晨  
何處臺無月誰家池不春莫言無勝地自是少閒人  
坐馱推囚案行嫌引馬塵幾時辭府印却作自回身

南龍興寺殘雪

南龍興寺春晴後緩步徐吟遶四廊老趁風花應不  
稱閒尋松雪正相當吏人引從多乘輦賓客逢迎少  
下堂不擬人間更求事此此踈懶亦何妨

天宮閣早春

天宮高閣上何頻每上令人耳目新前日晚登緣看

雪今朝晴望爲迎春林鷲何處吟箏柱墻柳誰家曬  
麴塵可惜三川虛作主風光不屬白頭人

履道居三

莫嫌地窄林亭小莫馱貧家活計微大有高門鑠寬  
宅主人到老不曾歸

二

東里素帷猶未徹南鄰丹旆又新懸衡門蝸舍自慙  
愧收得身來已五年

三

世事平分衆所知何嘗苦樂不相隨唯餘耽酒狂歌  
客只有樂時無苦時

和夢得冬日晨興



漏傳初五點雞報第三聲帳下從容起窓間曠聰明  
照書燈未滅煖酒火重生理曲絃歌動先聞唱渭城  
雪夜對酒招客

帳小青氈暖盃香綠蟻新醉憐今夜月歡憶去年人  
暗落燈花燼閒生草座塵慙懃報絃管明日有嘉賓

贈晦叔憶夢得

自別崔公四五秋因何臨老轉風流歸來不說秦中  
事歇定唯謀洛下游酒面浮花應是喜歌眉斂黛不  
關愁得君更有無馱意猶恨樽前欠老劉

醉後重贈晦叔

老伴知君少歡情向我偏無論踈與數相見輒欣然  
各以詩成癖俱因酒得仙笑迴青眼語醉並白頭眠

豈是今投分多疑宿結緣人間更何事攜手送衰年

睡覺

星河耿耿漏緜緜月暗燈微欲曙天轉枕頻伸書帳  
下披裘箕踞火爐前老眠正覺常殘夜病力先衰不  
待年五欲已銷諸念息世間無境可勾牽

白氏後集卷第二十八



西

西

西



